

ՍՈՒՐԵՆ ՄԱՆՈՒԿՅԱՆ

ԲԱՇՇԱՐ ԱԼ-ԱՍԱԴԻ ԿԱՌԱՎԱՐՄԱՆ ԱՌԱՋԻՆ ՉՈՐՍ ՏԱՐԻՆԵՐԻՆ ՍԻՐԻԱՅՈՒՄ ՀԱՍԱՐԱԿԱԿԱՆ ԵՎ ՔԱՂԱՔԱԿԱՆ ՈՐՈՇ ՏԵՂԱՇԱՐԺԵՐԻ ՄԱՍԻՆ (2000- 2004 թթ.)

2000թ. հուլիսի 12-ին համընդհանուր հանրաքվեի ժամանակ ստանալով քվեարկության մասնակիցների ձայների 97,29 %-ը, Սիրիայի Արաբական Հանրապետության /ՄԱՀ/ նախագահի ընտրվեց Բաշար ալ-Ասադը¹:

Սիրիան, որի ներքաղաքական կյանքը 1971 թ.-ից անփոփոխ ընթացում էր գրեթե մույն տրամաբանությամբ և առանց որևէ զգալի ցնցումների /բացառությամբ 1979-82 թթ. «Մահմեդական եղբայրներ» կազմակերպության հակակառավարական գործողությունների/ կամ նորամուծությունների, հայտնվեց կտրուկ փոփոխությունների մի շրջանում:

Բաշար ալ-Ասադի իշխանության գալն ինքնին մեծ սպասելիքներ առաջացրեց: Ակնկալվում էր, որ արևմտյան կրթություն ստացած երիտասարդ նախագահը կձեռնարկի սիրիական հասարակությունը վերափոխելու մի շարք քայլեր²: Այս հույսերի առիավատչյան դարձավ Բաշար ալ-Ասադի նախագահի պաշտոնում առաջին ելույթը, որում մա Սիրիայի դերի, Իսրայելի, Լիբանանի և արաբական աշխարհի հետ հարաբերությունների հետ մեկտեղ առանձնահատուկ շեշտեց ներքաղաքական և վարչական արմատական բարեփոխումների անհրաժեշտությունը, ինչպես մա մատնանշեց ներքին քաղաքական զարգացման երկու հիմնական ուղղությունները՝ տնտեսական ազատականացումը և պետության արդիականացումը: Կոչ անելով իրականացնել ներքին բարեփոխումներ՝ նոր նախագահն ընդգծեց գոյություն ունեցող հասարակական ինստիտուտների բարեփոխման, բաց և կառուցողական քննադատության անհրաժեշտությունը³:

Այս սպասումներն ինչ-որ չափով արդարացան, սակայն ոչ ամբողջովին: Նրանք ովքեր ակնկալում էին կտրուկ փոփոխություններ, մույնիսկ հիասթափություն ապրեցին: Իրականում պարզ էր, որ սկզբնական շրջանում, մինչև իր դիրքերի ամրապնդելը, Բաշար ալ-Ասադը խոսա-

փերու էր արագ հաջողութեան հասնելու մտքից: Բարեփոխումների քայլ առ քայլ իրականացումը հնարավորինս թույլ կտար խուսափել հակառակույդների հակաքայնից⁴: Պատահական չէ, որ նախաձեռնվող փոփոխությունները կրում էին երկարաժամկետ բնույթ և իրականացվում էին մեծ զգուշավորությամբ: Հետաքրքիր է, որ շատերը նրա այս քայնիքը նմանեցնում են իր հոր իշխանության զարու առաջին շրջանի քաղաքականության հետ:

Աստիճանական փոփոխություններն ինչ-որ չափով համահունչ էին հասարակական տրամադրություններին: Մի կողմից հասարակությունը բարենորոգումների պահանջ ուներ, սակայն մյուս կողմից՝ գիտակցում էր կայունության պահպանման կարևորությունը, ինչը թույլ կտար խուսափել մի իրավիճակից, որ ստեղծվել էր ՍԱՀ անկախության ձեռք բերումից հետո, երբ հեղափոխություններն ու հեղաշրջումները սովորական երևույթ էին դարձել երկրի քաղաքական կյանքում:

Նախագահ ընտրվելուց հետո Բաշար ալ-Ասադի առաջին որոշմամբ արգելվեց իր և հոր պատկերներով պատուհներ փակցնելը⁵: Սա յուրատեսակ «մշակութային հեղափոխություն» էր սիրիական հասարակության համար, եթե հաշվի առնենք այն փաստը, որ նախկինում այդ պատկերները սիրիական քաղաքների և բնակավայրերի անբաժանելի և սովորական մասն էին կազմում⁶: Սրանով, թվում էր թե ակնարկվում էր ավտորիտարից դեպի ժողովրդավարական համակարգ անցում կատարելու նրա վճռականությունը:

Բաշար ալ-Ասադը շարունակեց նաև դեռևս իր հոր կողմից սկսած համաներման քաղաքականությունը: Տարբեր տվյալներով՝ 2000 թ. սեպտեմբերին Սիրիայի բանտերում կային մոտ 1300 քաղբւսնտարկյալներ⁷: Նույն թվականի նոյեմբերին Բաշար ալ-Ասադի հայտարարած համաներման շնորհիվ բանտերից ազատ արձակվեցին 600 քաղբանտարկյալներ, իիմնականում խլամականներ և կոմունիստներ, ինչը հասարակության և միջազգային կազմակերպությունների կողմից դիտվեց իբրև առաջին քայլ քաղաքացիական հասարակության ձևավորման և երկրի ժողովրդականացման ուղղությամբ:

Կարևոր բարեփոխումներ նախաձեռնվցին հենց իշխանական համակարգի ներսում, Բաւսս կուսակցության և Ազգային Առաջադիւնական ճակատի⁸ /ԱԱԾ/ շրջանակներում:

Զգալիորեն երիտասարդացվեց Բաւսսի ղեկավարությունը: 2000 թ. մայիսին Բաւսսի Տարածաշրջանային համագումարի պատգամավորների նախնական ընտրությունների արդյունքում, համագումարի աշխատանքներին մասնակցելու հնարավորություն ստացան 200 նոր երիտասարդ բաւսականներ, որոնց մեծամասնությունը Բաշար ալ-Ասադի կողմնակիցներն էին⁹: Հունիսի 17-19-ի համագումարում Բաւսսի կենտրոնի կազմը նորացվեց 70 %-ով (90 անդամից 62-ը առաջին անգամ էին

ընդգրկվում նրա կազմում), ավելի քան կեսով նորացվեց Տարածաշրջանային ղեկավարության կազմը (21-ից 12-ը նոր անդամներ էին)¹⁰:

Ղեկավարության շրջանում կատարած փոփոխությունները նպատակ ունեին նաև աշխուժացնել Բաաս կուսակցության ամենօրյա գործունեությունը, վախճելով աշխատանքի մեթոդները, որոնց կիրառման արդյունքում վերջին տարիներին խիստ թուլացել էր կուսակցության կապը հասարակության հետ:

Այսպես, 2000 թ. կայացած Բաաս Տարածաշրջանային ղեկավարության նիստում որոշվեց հրաժարվել կուսակցությունում պաշտոնների նշանակումների համակարգից և 2001 թ. հունվարի 20-ին անցկացնել կուսակցական ընտրություններ: Նիստի ժամանակ Բաշար ալ-Ասադը, նույնիսկ ակնարկեց, որ կցանկանար հաջորդ 2007 թ. ընտրություններն անցկացնել այլընտրանքային սկզբունքներով:

Սի շարք փոփոխություններ կատարվեցին նաև Ազգային Առաջադիմական ճակատում /ԱԱԾ/:

Ստեղծման առաջին տարիներից, ԱԱԾ-ի հիմնադիր փաստաթղթում՝ Ազգային խարտիայում հատուկ նշվում էր ճակատում Բաասի առանձնահատուկ դերը: Այն միակն էր ԱԱԾ անդամ կուսակցություններից, որն իրավունք ուներ սեփական թերթը հրատարակել եւ հասարակական ինստիտուտներում քաղաքական աշխատանք իրականացնել: Բաշար ալ-Ասադի իշխանության գալուց հետո այս մեմաշնորհը, որոշակիորեն մեղմացվեց: ԱԱԾ անդամ 6 կուսակցություններից երեքին թույլատրվեց հրատարակել սեփական թերթեր եւ 2001 թ. հունվարին լույս տեսավ ՍԿԿ-ի կողմից հրատարակվող «Նիդալ աշ-Շաաբ» թերթը¹¹: 2002 թ. փետրվարից ԱԱԾ-ի Կանոնադրության 9 հոդվածի փոփոխության արդյունքում¹² ԱԱԾ-ի անդամ բոլոր կուսակցություններն իրավունք ստացան գործել երիտասարդության շրջանում և համալսարաններում¹³: Այս ամենը վկայում էր սիրիական քաղաքական կյանքում հենց քաղաքական միավորների դերն ու նշանակությունը մեծացնելու Բաշար ալ-Ասադը ձգտման մասին ի հակակշիռ ոչ քաղաքական միավորների՝ բանակի և հատուկ ծառայությունների, որոնք Հաֆեզ ալ-Ասադի կառավարման հատկապես վերջին տարիներին ավելի մեծ կարևորություն էին ձեռք բերել սիրիական հասարակության մեջ՝ հետին պլան մղելով ԱԱԾ- կուսակցություններին /շտաբը հիմնականում Բաասի մասին է/: Այս մասին է վկայում նաև կառավարության ձևավորման կուսակցական սկզբունքի պահպանումը, երբ ԱԱԾ-ի անդամ ցանկացած կուսակցություն անկախ նրա դերից և հմարավորություններից ստանում է նախարարական պաշտոններ¹⁴:

Հասարակության ժողովրդավարացմանն էր միտված նաև նախկինում արգելված քաղաքական ուժերի վերադարձը քաղաքական թատե-

րաբեմ. ինչպես նաև նոր կազմակերպությունների և նույնիսկ կուսակցությունների ստեղծումը:

Այսպես, Սյոնիական ազգային սոցիալական կուսակցությունը /ՍԱՍԿ/, որը արգելվել էր 1955 թ., սկսեց ազատ գործունեություն ծավալել երկրում¹⁵. իսկ 2003 թ. մարտի ընտրությունների արդյունքում այս կուսակցության ներկայացուցչությունը խորհրդարանում հասավ 3-ի /երկուսը ԱԱԾ-ի ցուցակներով, մեկը՝ «ամկախների»/¹⁶: Այս ամենը լուրջ հիմքեր է տալիս ենթադրելու, որ կուսակցությունը կարող է ապագայում համայնել ԱԱԾ-ի շարքերը,¹⁷ ստանալով երկրի քաղաքական կյանքին մասնակցելու հնարավորություն. առավել ևս, որ նրա առաջնորդները չեն ժխտում նման հնարավորություն:

Այսպիսով, Բաշար ալ-Ասադը փորձեց շարունակել իր հոր քաղաքականությունը, երբ երկրում գոյություն ունեցող քիչ թե շատ ազդեցիկ բոլոր քաղաքական ուժերը, վարչակարգի նկատմամբ լոյալություն դրսևոյելու պայմաններում ներառվում էին քաղաքական պաշտոնական հավակարգի՝ ԱԱԾ-ի մեջ: Սրանով Բաշար ալ-Ասադը ձգտում էր հնարավորինս լնդլայնել սեփական քաղաքական հենարանը և փորձում կառուցել «վերահսկելի ժողովրդավայություն» համակարգ:

2002 թ. հունիսի երկրորդ կեսին «մարդասիրական նկատառումներով» Բաշար ալ-Ասադի հրամանով ազատ արձակվեց կոմունիստական կուսակցությունների¹⁸ մեկի առաջնորդ Ռիադ Թուրքին¹⁹. որը բանտարկվել էր հակակառավարական ելույթների համար դեռևս 1980 թ.: Եվ նույնիսկ նա խստագույն քննադատության ենթարկվելով իշխանություններին, կոչ անելով լուծարել ԱԱԾ-ը, ընդունել նոր օրենք կուսակցությունների մասին և չեղյալ հայտարարել Սահմանադրության 8-րդ հոդվածը, որով «Բաաս»-ը հռչակվում էր «պետության, հասարակության ղեկավար ուժ», միաժամանակ հայտարարեց, որ «լավատեսություն է ներշնչում այն, որ երկրում այսօր բաց են դեպի հաշտություն, երկխոսություն և բարեփոխումների գործընթաց տանող դռները»²⁰:

2000 թ. մոտ 280 մտավորականներ հիմնեցին նոր կուսակցություն՝ Շարիժում հանուն սոցիալական խաղաղության: Ազատությունների մթնոլորտն այնքան էր ազդել հասարակության վրա, որ նոր կուսակցության հիմնադիրները նույնիսկ պահանջեցին վերացնել երկրում գործող արտակարգ իրավիճակը և լուծարել Բաաս կուսակցությունը²¹:

Քաղաքական դաշտում իրականացված փոփոխությունները վստահություն ներշնչեց նաև հասարակական տարբեր շրջանակների մոտ:

Բաշար ալ-Ասադը փորձում էր հրավիրել հասարակական բաց երկխոսություն. թեև շատ զգույշ և պետության խստագույն հսկողության ներքո²²: Հարցազրույց տալով եգիպտական «ալ-Ուսբուա» շաբաթաթերթին՝ նա հայտարարեց, «Ես հավատում եմ ժողովրդավարությանը և հարգում ուրիշների կարծիքը: Ես չեմ պատրաստվում ղեկավարել

միանձնյա կերպով: Ես պատրաստ եմ լսել տարբեր կարծիքներ և տարբեր տեսանկյուններ. անկախ այն հանգամանքից համաձայն եմ դրանց հետ քե՛ռչ»²²:

Հասարակությունն արձագանքեց այս հրավերին և կառավարման առաջին 4 ամիսների ընթացքում նախագահ Բաշար ալ-Ասադին ուղղվեցին 4 բաց նամակներ. որոնք տպագրվեցին նաև լիբանոնյան մամուլում և մեծ արձագանք ստացան սիրիական հասարակությունում: Նրանք պահանջում էին բարենորոգումներ իրականացնել՝ մատնանշելով երկրում առկա թելուքումները: Վարչակարգը բավականին բարյացակամ ընդունեց այդ նամակները: Իշխանությունների կոշտ արձագանքի բացակայության պայմաններում 2000 թ. սեպտեմբերին լիբանոնյան մամուլում տպագրվեց «99-ի ուղերձը». որը կոչ էր անում վերականգնել խոսքի ազատությունը, վերացնել ռազմական դրությունը, որ հաստատված էր երկրում դեռ 1963 թ.-ից, ներմուծել քաղաքական բազմակարծությունը և քաղաքացիական իրավունքներին համընդհանուր համաճեղքում հայտարարել: «Բաց նամակը» ստորագրողների թվում էին սիրիացի հայտնի մտավորականներ՝ բանաստեղծ Արունխը, փիլիսոփա Սադեկ Ջալլալ ալ-Ազմը, վիպասան Հայդար Հայդարը, պատմաբան Աբդուլլահ Համնան, ռեժիսոր Մոհամմեդ Մալլասը և դերասան Խալեդ Թալան և այլք²⁴:

2001 թ. հունվարին հայտնվեց «1000-ի ուղերձը»: Այս ուղերձի հեղինակները նույնպես ազատական հայացքներով բարեփոխումների կողմնակից մտավորականներ էին: Ուղերձում նրանք կոչ էին անում Բաշար ալ-Ասադին ապահովել դատարանների ազատությունը, իրականացնել ԱԱԾ-ի արմատական վերափոխումը, ռազմատարած քաղաքացիական պայքարին, վերացնել արտակարգ դրությունը, ապահովել խոսքի ազատությունը²⁵:

Այս երկու ուղերձներում էլ, փաստորեն, սիրիական տարբեր մտավորական շրջանակներ կոչ էին անում Բաշար ալ-Ասադին՝ շարունակել բարեփոխումները և իրենց աջակցությունն էին հայտնում նախագահին:

Օրինակ, Սիրիայում քաղաքացիական հասարակության վերականգնման կոմիտեի²⁶ անդամ Միշել Կիլոն Լոնդոնում լույս տեսնող «ալ-Շարի ալ-Աուսատ»-ին տված հարցազրույցում նշում է, որ նրանք ուղարկել են այս նամակը նախագահին, և չէին ակնկալում, որ այն կիրառարակվի մամուլում: Սակայն դա տեղի ունեցավ, ինչը վկայությունն է այն բանի, որ երկրում վերականգնվում է ժողովրդավարությունը: Իսկ նամակը հեղինակած մտավորականները չեն հավակնում իշխանության և չեն ներկայացնում թշնամական պահանջներ: «Մենք ուղղակի ուզում ենք օգնել իշխանություններին, հասնելու լավագույն արդյունքին»: Ընդ որում նշվում է, որ արված առաջարկությունները չեն վնասելու ներքին վիճակին, և մտավորականներն աշխատել են հենց ժողովրդի միասնության,

հայրենիքի պաշտպանության և զուգակց տարածքներին վերադարձման սկզբունքներին շրջանակում²⁷: Ուշագրավ է նաև 2002 թ. հունվարի 5-ին սիլիակա մամուլում հյուսիսարևելյան Ազգային դեմոկրատական ժողով կազմակերպության անդամ 10 ակտիվիստ ձախ ալյախոհներին հայտաբերությունը, որով վերջիններս համաձայնվում էին մասնակցել բաց քաղաքական բանավեճերին, որոնք նախաձեռնվել էին Բաշար ալ-Ասադի իշխանության գալուց հետո: Խմբի գործադիր քարտուղար Հասան Աբդուլ-Ազիմի խոսքերով՝ 10 տարուց հետո ընդհատակյից դուրս գալու որոշումը կապված է Բաշարի ալ-Ասադի իշխանության գալուց հետո տեղ գտած որոշակի ազատական փոփոխություններին հետ²⁸:

Այս ամենը վկայում էր երկրում հայտարարված «կառուցողական քննադատության» թույլտվության իրական լինելու մասին: «Դամասկոսյան գալուց» հետևանքներից էր նաև խոսքի ազատության որոշակի վերականգնումը և մի շարք կազմակերպություններ և ինստիտուտներին ստեղծումը, որոնց գործունեությունը նախկին նախագահի օրոք ուղիղակի անհնար էր:

Դամասկոսում սկսեց գործել «մարդու իրավունքներին պաշտպանության կոմիտեն»՝ սիրիացի լրագրող Ահմադ Նախասյի գլխավորությամբ: 2000 թ. երկրորդ կեսին ՄԱՀ-ում սկսեցին ի հայտ գալ «քաղաքական ակումբներ»²⁹, որտեղ բավականին բաց քննարկումներ էին ընթանում Սիրիայի ապագա զարգացման ուղիների շուրջ, նպատակ ունենալով երկրում քաղաքացիական հասարակության զարգացման խթանումը:

Խոսքի ազատության ոլորտում որոշակի տեղաշարժերն արտահայտվեցին ՁԼՄ-ներում կատարված փոփոխություններով: Թեև չընդունվեցին օրենքներ, որոնք կապահովեին խոսքի, մամուլի ազատությունը, քաղաքական բազմակարծությունը և հանրահավաքների ազատությունը, սակայն այսօրն որոշակիորեն իրականացվեց զրաքննությունից ՁԼՄ-ների ձեռքազատումը:

Գլխից բոլոր պետական թերթերը սկսեցին հրապարակել բավականին «սուր» հոդվածներ՝ կառավարության տնտեսական քաղաքականության քննադատությամբ: Բաշար ալ-Ասադն անձամբ հանդիպեց ՁԼՄ-ներին խմբագրերին հետ և քաջալերեց նրանց այդ պահվածքը³⁰: Վերացվեց Բաասի մեմաշնսյիթ թերթեր հրատարակելու ոլորտում, ինչի հետևանքով 2001 թ. հունվարին բացվեց վերջին 40 տարում առաջին մասնավոր թերթը³¹:

Լուրջ ցուցանիշ էր նաև պետական «Թիշրին» և «Աս-Սաուրա» թերթերին, հեռուստատեսության և ռադիոյի պետական կոմիտեին նոր դեկավարներին և զլխավոր խմբագրերին նշանակումը և մի շարք այլ փոփոխություններ: Այսպես, «Թիշրին» խմբագրություն վերադարձավ Աբեֆ Դալիյան, որն արտաքսվել էր երկրից: Նա վերադարձավ Բաշարի ալ-Ասուդի խնդրանքով և առաջին իսկ հոդվածում նշեց, որ միակուսակցա-

կան համակարգը Սիրիայի տնտեսական անհաջողությունների պատճառ է. և բարեփոխումները հաջողություն չեն ունենա առանց իշխանական համակարգից շատ դեմքերի հեռացնելու³²: Միաժամանակ բերրի նոր գլխավոր խմբագիրը հայտարարեց «Մենք համերաշխ ենք դուկտոր Բաշարի կողմից վարվող քաղաքականության հետ. որն ուղղված է Սիրիայում ժողովրդավարության խորացման ու երկրի արդիականացմանը»³³:

Այդուհանդերձ նույնիսկ այս սահմանափակ բարեփոխումները միանշանակ չընդունվեցին հասարակության տարբեր հատվածների կողմից: Իշխանական վերնախավում շարունակում էր բավականին ազդեցիկ դիրքեր պահպանել «և՛ին գվարդիան»՝ Բաշար ալ-Ասադի իոր գործընկերները և կողմնակիցները. որոնք չէին թաքցնում բավականին անբարյացակամ վերաբերմունքը բարեփոխումների նկատմամբ: Նրանց նախաձեռնությամբ արդեն 2001 թ. փետրվարին Բաաս Տարածաշրջանային ղեկավարության 17 անդամներն ուղարկվեցին տարբեր համասարաններ՝ «երկրում իրավիճակի բացատրության» նպատակով գեկույցներ կարդալու համար: Ընդ որում, այս գործընթացն անձամբ ղեկավարվում էր ՍԱՀ փոխնախագահ Աբդ ալ-Հալիմ Խադդամը. որը հետագայում քաղաքական արդիականացման կողմնակիցներին մեղադրեց «պետության անվտանգության և կայունության կարմիր գիծը» անցնելու մեջ³⁴: Երկիրը վերափոխելու կոչով հանդես եկած մտավորականները մեղադրվեցին արտասահմանյան կապերի և երկիրը թուլացնելու և քայքայելու մեջ: Այսպես, պաշտպանության նախկին նախարար Մուստաֆա Տյասը 2001 թ. ապրիլի 12-ին, ելույթ ունենալով «Աբու-Դաբի» արբանյակային հեռուստաալիքով, հանդես եկավ «1000-ի ուղեծրի» հեղինակներին «ԿՀԼ-ի և Սիրիայի թշնամիների հետ» կապեր ունենալու մեղադրանքով³⁵:

Պահպանողականներին հաջողվեց որոշակիորեն կանգնեցնել հասարակական բարեփոխումների ընթացքը: Բաղաքացիական ակտիվիստներից մի քանիսը նույնիսկ ձեռքակալվեցին: 2001 թ. օգոստոսին ձեռքակալվեցին սիրիական խորհրդարանի անդամ Հոմսին, հայտնի գործարար և պատգամավոր Սեյիֆը, Դալիլին և շուրջ մեկ տասնյակ այլ գործիչներ: Փակվեցին 14 «քաղաքացիական ընկերություններ» և քաղաքական ակումբներ: Իսկ մյուսների գործունեությունը խիստ սահմանափակվեց³⁶:

Ձեռքակալվեցին նաեւ 2004 թ. մարտի 8-ին Դամասկոսում Բաաս կուսակցության իշխանության գալու 41-ամյակին նվիրված տոնակատարությունների ժամանակ «Ազատություն խղճի բանտարկյալներին» պատահառնելով փոքրաքանակ իրավապաշտպանական ակցիայի կազմակերպիչներն ու մասնակիցները: Ախալմամբ ձերբակալվեց եւ մեկ ժամ անց ազատ արձակվեց նաեւ այս գործողությունների ականատես

ԱՄՆ, դեսպանատան աշխատակիցը:³⁷ Դեսպը խստագույնս դատապարտեց Սիրիայում ԱՄՆ դեսպանության, հետո մաեւ ԱՄՆ Պետդեպարտամենտի կողմից, որի պաշտոնական ներկայացուցիչ Ռիչարդ Բաուչերը, նշեց դիվանագիտական ներկայացուցիչների մածեմմսելիության խախտման անթույլատրելւթյան մասին³⁸:

Բնդ ոյում պետք է նշել, որ բարեփոխումների դեմ ուղղված այս գործողությունները զայմամալի միակարծությանբ պաշտպանվեցին Բասս կուսակցության անդամների կողմից: Պարզվեց, որ սիրիական քաղաքական վերմախալմ ընդհանրապես պատրաստ չգտմվեց ժողովրդավարական բարեփոխումների անցկացմանը: Եվ որքան էլ մեծ լինեթ մախագահ Բաշար ալ-Ասադի վերափոխումներ կատարելու ցանկությունը, հմարավոր չէր դրանք իրականացնել առանց իշխանական վերմախալի համաձայնության:

Այսպիսով, առաջին 4 տարիները լուրջ փորձությունների շրջան էին ելիտասարդ մախագահ Բաշար ալ-Ասադի համար: Կառավարման այս փուլում մա զգալի փոփոխություններ իրականացրեց Սիրիայի ներքին կյանքում: Թեև դրանցից շատերը վերջնական լուծում չստացան, սակայն դրանց իրականացման փաստն ինքնին շատ խոստում է: Սիրիայի մմսն ավտորիտար երկրում տեղի ունեցան ժողովրդավարական որոշակի տեղաշալթեր, որոնք հետագայում կանգ առան:

Պտտճանելի տարբեր են՝ և՛ ներքին քաղաքական և՛ արտաքին:

Ներքաղաքական ասպարեզում Բաշար ալ-Ասադը ուղղակի չէր կարող հաշվի չառնել քաղաքացիական բարեփոխումների անցկացման դեմ ցուցադրված դիմադրությունը, քանի որ, ինչպես նշում էին հոռետեսները, մրա իշխամության երկու հեմարամները շարունակում էին մնալ հեմց Բասս կուսակցությունը և բանակը,³⁹ որոնք այդքան էլ չէին ցանկանում փոխել ստեղծված իրավիճակը: Միաժամանակ իշխանության այս առաջին տարիներին մա փորձեր կատարեց ընդարձակել սեփական սոցիալ-քաղաքական բազան: Մրան էին միտված և՛ ԱԱԾ-ի ընդարձակմանն ուղղված քայլերը, և՛ մոր կազմակերպությունների գործունեության արտոնումը և՛ հասարակական քննարկման խրախուսումը:

Բացի այդ մույմիս զգուշավոր բարեփոխումներն իրականացնելիս մոր մախագահը պետք է հաշվի առներ այն, որ ներքաղաքական կարևոր հիմնախնդիրներից էր մակ երկրի կայունության պահպանումը: Հաֆեզ ալ-Ասադից հետո իշխանության անցումը մրա որդուն կարող էր լուրջ հակասությունների առիթ դառնալ սումնի-ալալի⁴⁰ համայնքների փոխհարաբերություններում: Լինելով երկրում կրոնական փոքրամասնություն կազմող ալալիական համայնքի ներկայացուցիչ՝ մա մշտապես զգում էր այս վտանգը: Թեև մրա իշխանության առաջին շրջանում ի հայտ չեկան առաջնորդներ, որոնք սումնիական կմախաճեռնեին ելույթ ալալիական գերիշխանության դեմ⁴¹ և երկրի մեծամասնությունը կազ-

մող սումնիները պատրաստակամություն հայտնեցին ընդունել Բաշար ալ-Ասադի կառավարումը. սակայն դա չի ճշանակում. որ երկրի ճնշող մեծամասնությունը կազմող սումնիները պատրաստ են «հավերժ» համաձայնել արավիական ղեկավարության փաստի հետ⁴²: Եվ եթե Հաֆեզ ալ-Ասադի ստեղծած հակակալիֆների և աուննիական վերնախավի հետ դաշինքի համակարգը բավականին արդյունավետ էր եւ բացառում էր լուրջ ցնցումների հնարաճարարությունը, այդուհանդերձ, դա չի ճշանակում. որ կարելի էր անտեսել այս վտանգը:

Բարեփոխումներին խոչընդոտող հանգամանք էր մահ միջազգային լարված իրավիճակը: Տարածաշրջանի բարդ իրադրությունը ստիպում էին Բաշար ալ-Ասադին ավելի մեծ ուշադրություն դարձնել երկրի արտաքին հարաբերություններին: ԱՄՆ-ի ներխուժումն Իրաք մեծ խնդիրներ հարուցեց մահ Դամասկոսի համար. կապված Միլիայի նկատմամբ ԱՄՆ-ի շարունակական ճնշման հետ:

Այս ամենը հիմք է տալիս, այնուամենայնիվ, ակնկալելու, որ ՍԱՀ մախազահի կշարունակի երկրի ժողովրդավարացման ուղղված բարեփոխումները, որոնք, սակայն, կունենան սեփական առանձնահատկությունները: Հատկանշական է, մախազահի եղբւման արարողության առաջին ելույթում Բաշար ալ-Ասադի կողմից արտահայտած ժողովրդավարության իր ընկալումը: «Ինչ աստիճանի ենք մենք ժողովրդավա՞ր: Ուրո՞նք են ժողովրդավարության բնորոշումները: Ընտրությունները, ազատ մամուլը, խոսքի ազատությունը, թե՞ այլ իրավունքներն ու պարտականությունները... Մենք չենք կարող կիրառել ուրիշների ժողովրդավարությունը մեզանում: Արևմտյան ժողովրդավարությունը, օրինակ, բազմադարյա պատմության արդյունք է, որն արտահայտված է սովորույթներով և ավանդույթներով, որ բնութագրում է արևմտյան հասարակությունների ժամանակակից մշակույթը... Որպեսզի մենք էլ կիրառենք այն, մենք պետք է վերապրենք մբանց կյանքը... Պարզ է, որ դա անհնար է, մեր ժողովրդի փորձը պետք է լինի յուրօրինակ, ինքնատիպ, պետք է քիսի մեր պատմությունից, մշակույթից և քաղաքակրթությունից իբրև պատասխան մեր հասարակության կարիքների և մեր իրականության պահանջներին»⁴³:

SUREN MANUKYAN

ON SOME SOCIAL AND DOMESTIC CHANGES IN SYRIA UNDER PRESIDENT BASHAR AL-ASSAD IN HIS FIRST FOUR YEARS. (2000-2004)

The new president of Syria Bashar al-Asad who had succeeded his father as head of state in 2000 implemented some social and political reforms in Syria.

The new president expanded free speech policy, countenanced a relatively open debate on Syria's domestic needs. Many intellectuals sent him "open letters" ("99's

letter", "1000's appeal") asking for political, economic, and social reform. Claiming that Syria was in terrible condition, the letter-writers, very politely, demanded change. Papers published these letters and they were circulated inside Syria.

Surprisingly, they were tolerated by the regime, signaling that the era of regulation of thought and speech was over.

But along with the presidency, Bashar inherited a set of pressing and severe problems.

Realizing reforms he had to maintain a balance between his own identity and the various forces defining the country. Bashar has chosen to concentrate first on broadening his own social and political base and consolidating his position.

So, he handled some reforms in political system of Syria. He allowed activities of some underground and banned parties and made attempts to democratize and enlarge of broader shape of ruling alliance of parties - National Progressive Front. Supposedly, he tried to create "Controlled democracy" in Syria.

The Old guard achieved to stop some of reforms by closing the number of "discussion clubs" and arresting some democratic activists. Being concentrated in foreign affairs Bashar al-Asad couldn't prevent this process.

Setting aside the need for quick successes allows him to advance slowly and deal with rear-guard pressure from the still-powerful older generation.

ԾԱՆՈԹԱԳՐՈՒԹՅՈՒՆՆԵՐ

1. 2000 թ. հունիսի 10-ին վախճանվեց Հաֆեզ ալ-Ասադը, որը ՍԱՀ մախազահի պաշտոնը զբաղեցնում էր 1971 -ից. և երկրում իշխանության ղեկը մոտ 40 տարի իր ձեռքում պահող «Բաաս» կուսակցությունը մախազահի պաշտոնին առաջադրեց նրա որդուն՝ Բաշար ալ-Ասադին: Ընդ որում դրա համար խորհրդարանը փոփոխության ենթարկեց երկրի Սահմանադրության 83 հոդվածը՝ նվազեցնելով մախազահական պաշտոնի համար անհրաժեշտ տարիքը 40-ից 34 - ի. ինչը թույլ տվեց 34-ամյա Բաշարին նշանակել մախազահի պաշտոնակատար:

2 Ակնկալիքները հասնում էին այնպիսի չափերի, որ խոսվում էր նույնիսկ 1964 թ. ազգայնացված հողերը հիմն տերերին վերադարձնելու, աշխատավարձը 100 տոկոսով բարձրացնելու և նույնիսկ «Բաաս» կուսակցությանն իշխանության մենաշնորհից զրկելու մասին:

3 Բաշար ալ-Ասադի մախազահի երդման ելույթը ըստ <http://www.basharassad.org>

4 Baidatz Yossi, Bashar's First Year: From Ophthalmology to a National Vision // Policy Focus Research Reports on Palestinian Issues, #41, (July 2001), www.washingtoninstitute.org/pubs/pfs/pfs

5 Համաձայն այս որոշման նկարները կարող էին լինել միայն կառավարական շենքերում: Թեև հետագայում դրանք հայտնվեցին մահ փողոցում, սակայն մամոթիմակ հրամանի ի հայտ գալն ինքնին շատ խոսում էր:

6 Moubayed Sami Syria's New President Bashar Al-Assad: A Modern-Day Attaturk // Washington Report on Middle East Affairs, Dec2000, Vol. 19 Issue 9, p31.

7 Համաձայն «Միջազգային համաներում» կազմակերպության տվյալների՝ նրանց բիվը 1989 թ. հասնում էր 10 հազարի:

8 Ազգային Առաջադիմական Ճակատը հիմնվել է 1972 թ.: Ներկայումս նրա կազմի մեջ են մտնում «Բասսա»-ը, Սիրիական կոմկուտը, Արաբական սոցիալիստական միությունը, Արաբական սոցիալիստների շարժումը, Սոցիալ-յունիոնիստների կուսակցությունը, Յունիոնիստական սոցիալ-դեմոկրատական կուսակցությունը /1988 թ-ից/, ինչպես նաև 1980 թ-ից Բանվորների արիմիությունների համընդհանուր ֆեդերացիան, Գյուղացիների համընդհանուր ֆեդերացիան և Բասսական հեղափոխական երիտասարդության միությունը:

9 Ахмедов В.М. «Партия и власть в Сирии: эволюция отношений и перспективы взаимоотношения в переходный период развития», с.349// Ближний Восток и современность, вып.18, М., 2003

10 «Հին գվարդիայի» ներկայացուցիչները որոշ բացառությամբ, մնացին Տարածաշրջանային ղեկավարության կազմում:

11 2001 թ. սեպտեմբերի 22-ի համար 50 հրամանագրի տեքստը տես www.sana.org/arabic/decree/publications%20and%20press,

12 Ахмедов В.М. «Партия и власть в Сирии: эволюция отношений и перспективы взаимоотношения в переходный период развития», с.350 // Ближний Восток и современность, вып.18, М., 2003

13 Բանվորն քաղաքական գործունեություն ծավալելու թույլտվությունը, այնուամենայնիվ, պահպանեց միայն Բասսը:

14 Կոմունիստները, օրինակ, ստացան 3 տեղ 2001 թ. ղեկտեմբերին կազմված «բազմակուսակցական» կառավարության մեջ /Երկու նախարար ներկայացնում էին Յուսեֆ Ֆեյսալի ՍԿԿ-ն և մեկ նախարար Վ.Բակդաշի ՍԿԿ-ն կուսակցությունը/:

15 Ոչ պաշտոնապես ՍԱՍԿ վերակսել էր իր գործունեությունը դեռ 1990-ական թվականներին. երբ նրա ներկայացուցիչներից մեկը մշտապես ընտրվում է Ազգային խորհրդի անդամ՝ «անկախ» պատգամավորների շարքում:

16 www.elaph.com, 5 March 2003 ըստ Կոսպ Դ. «Коммунисты в баасистском национальном контексте: пример Сирии»// Ближний Восток и современность, вып.17, М.2003, с.312

17 www.asharqalwasat.com/view/news/2003?03?12?157385 ըստ Կոսպ Դ. «Коммунисты в баасистском национальном контексте: пример Сирии»// Ближний Восток и современность, вып.17, М.2003, с.277

18 Սիրիայում այսօր գործում են 3 կոմկուտ /Յուսեֆ Ֆեյսալի, Վիսալ Ֆահրա Բազդաշի ղեկավարությամբ երկու ՍԿԿ-ները և ոչ լեգալ պայմաններում գործող ՍԿԿ-Քաղբյուրոն Ռ.Թուրքի ղեկավարությամբ/:

19• Ռիյադ Թուրքի խմբակցությունը հեռացավ ՍԿԿ-ից 1972 թ. և հիմնեց Սիրիայի կոմունիստական կուսակցություն՝ Քաղբյուրո կուսակցությունը, որը 1979 թ. դարձավ ընդդիմադիր Ազգային-ժողովրդական միավորման անդամ:

20 alhiwaradimocraty.free.fr/alrail5 ըստ Կոսպ Դ.՝ «Коммунисты в баасистском национальном контексте: пример Сирии» // Ближний Восток и современность, вып.17, М.2003, с.280

21 Powell Sara and Syed Rehana, A New Generation In Syria// Washington Report on Middle East Affairs, Apr2001, Vol. 20 Issue 3, p. 88.

22 Կոսպ Դ.՝ «Сирия при новом президенте: тенденции политического развития», с.38 // Востокосведущий сборник (вып.3), М., 2002.

- 23 Lancaster Pat, Syria looks forward// Middle East, Jul/Aug2000 Issue 301, p4.
- 24 Moubayed Sami, Syria's New President Bashar Al-Assad: A Modern-Day Atatürk // Washington Report on Middle East Affairs, Dec2000, Vol. 19 Issue 9, p.31
- 25 Ахмедов В.М., «Сирия на рубеже столетий. Власть и политика» М., 2003, с. 92
- 26 Այն իր մեջ է միավորել տարբեր կողմնորոշումներ ունեցող մարդկանց՝ մարքսիստներ, լիբերալներ, իսլամականներ, ազգայնական և չեզոք մտավորականներ
- 27 «On the civil society and reform discussions in Syria»// Arabic News.com, 1/17/2001
- 28 Сирия: диссиденты выходят из подполья //MIGnews 5.01.2002 www.mignews.com
- 29 «Ալ-Հայար». 19, 14.01.2001.
- 30 Ахмедов В. «Сирия на рубеже столетий. Власть и политика», М., 2003, с. 92
- 31 Powell Sara and Syed Rehana, A New Generation In Syria// Washington Report on Middle East Affairs, Apr2001, Vol. 20 Issue 3, p.88.
- 32 Moubayed Sami Syria's New President Bashar Al-Assad: A Modern-Day Atatürk // Washington Report on Middle East Affairs, Dec2000, Vol. 19 Issue 9, p.31
- 33 The Middle East, N 306, November 2000, с. 39.
- 34 Agence France Press (AFP), 15.02.2001.
- 35 Ахмедов В.М. «Партия и власть в Сирии: эволюция отношений и перенесенные взаимодействия в переходный период развития», с.350 // Ближний Восток и современность, вып.18, М., 2003
- 36 Ахмедов В.М., «Сирия на рубеже столетий. Власть и политика», М., 2003, с. 95
- 37 Ицэнков В. Р., «Ситуация в Сирии» // <http://www.iimes.ru/rus/stat/2004/27-05-04.htm>
- 38 «Коммерсант», 10.03.04
- 39 Powell Sara and Syed Rehana, A New Generation In Syria// Washington Report on Middle East Affairs, Apr2001, Vol. 20 Issue 3, p88
- 40 Արավիականությունն իսլամական շիական կրոնական հոսանքներից մեկն է: 1963 թ.-ից սկսում է նկատվել արավիական ծագում ունեցող գործիչների դերի բարձրացումը ՍԱՀ իշխանական վերնախավում, որը մախազահ Հաֆեզ ալ-Ասադի օրոք դարձավ որոշիչ:
- 41 Pryce-Jones David, The Middle East: Death of a Tyrant - Assad and the world he left //National Review, July 3, 2000
- 42 Известия о Хуфезе Ааде, его сыне и судьбе Сирии// "Вести " <http://vesti.ru/daynews/2000/06/13/40assad/experts>
- 43 Բաշար ալ-Ասադի մախազահի երդման ելույթը ըստ <http://www.basharassad.org>